庫全書

子部

欽定四庫全書讀朱随筆卷一

子部

詳校官中書臣関思数

編修日倉聖脈覆勘

校對官中書臣孫 總校官進士臣終 膝録監生 臣孫國盤


溶

琪

决定日東公司 欽定四庫全書 讀朱隨筆 提要 國朝陸隴其撰雕其有三魚堂四書大全困勉 時取所心得隨筆標記於正集二十九卷以 前凡詩賦割子人所共知者即不復置論其 錄諸書已別著錄是編乃其讀朱子大全集 臣等謹案讀朱隨筆四卷 弱朱随筆 子部 儒家類

五クピカ人門 學一以朱子為宗在近儒中最稱醇正是編 曹宗柱索得稿本因為刊行於福州隴其之 為分係摘録而各加案語以引伸之其書初 出入之辨金谿姚江蒙混之弊凡朱子書中 大意尤在於闢異説以羽翼紫陽故於儒釋 無雕本康熙戊子儀封張伯行從隴其之婿 自正集三十卷起至別集五卷止則摘其精 有涉此義者無不節取而發明之其剖析

决定四重全事 隆四十三年七月恭校上 **偶為事者雖不過一時簡端題識之語本非** 亦多潛心體察而深識其用意之所以然於 有意著書而生平得力所在亦樂可見矣乾 朱子之書誠能融會貫徹而非徒以口耳佔 似分别異同殊為觀切有味其他一字一句 請未随筆 總暴官紀的 陸錫熊 孫 校 官 臣 陸 費 士毅



The Diet right THE PERSON NAMED IN のであってい 清朱随筆 温當玩味庶不為看山 察御史陸雕其撰 **妖語斷盡兩蘇之** 論事實則尚權謀 八兄弟乃以儀 學

暇念念遷革以至於死其間初無頃刻停息舉世皆然 答汪尚書云體用 金为口屋石雪 與張欽夫書云人自有生即有知識事物交來應接 明 秦老佛合為 然聖賢之言則有所謂未發之中寂然不動者夫豈 所謂無間也此數語已見太極圖解中而此尤覺簡 用在其中所謂 人其為學者心術之禍最為酷烈 源顯微無間蓋自理而言則即體 原也自象而言則即顯而微不能 卷

鬱塞似非虚明應物之體而幾微之際一有覺馬則又 然也所謂未發如是而已夫豈别有一物限於一時拘 雖 然全體應物而不窮者是乃天命流行生生不已之機 次定りを全ち 以日用流行者為已發而指夫暫而休息不與事接之 而驗之於日用之間則凡感之而通觸之而覺蓋有渾 便為已發而非寂然之謂蓋愈求而愈不可見於是退 際為未發時耶當試以此求之則泯然無覺之中邪暗 日之間萬起萬滅而其寂然之本體則未嘗不寂 請朱隨筆

多聞闕疑之心為如何而視今日紛更專輒之意象又 餼羊謹闕文述而不作信而好古深戒不知而作教 與張欽夫論程集改字云試思聖人入太廟每事問存 與其學合也 金グセガノニ -和說之一 以見議論本末耳而劉念臺聖學宗傳取此以為 處而可以謂之中哉按朱子自注云此書非是但 處念臺雖知此非朱子定論然深有契馬則以 且評云說得大意已是很不是限於

答張敬夫云泛然之問略不曾經思索答之未竟而遽 次定四車を青一 為較書者之深戒朱子於大學孝經雖皆刊定而必存 世猶或非之況遠改乎且非特漢儒而已孔子刪書血 為如何又云漢儒釋經有欲改易處但云某當作某後 流漂杵之文因而不改孟子繼之亦曰吾於武成取二 其舊真萬世法也 三策而已終不利去此文以從已意之便也此一段可 朱子大全集卷三十 請朱随筆

答張敬夫云類聚孔孟言仁處以求夫仁之說程子為 敬夫云謂類聚言仁亦恐有病者正為近日學者厭煩 就簡避迁求提此風已威方且日趨於險薄若又更為 亦不中語黑之節矣愚按答問之際不可不思此言 分りせんとう 好徑之心滋入耳出口之弊亦不可不察也愚按玩此 一則知類書之學有盆於人而誤人亦不淺又一書答 更端者亦皆一 /意可謂深切然專一 酬酢此非惟於彼無益而在我者 如此用功却恐不免長欲速

大臣日里上 |噫朱子之恐學者之避迁求捷惓惟如此而今學者以 |達之方蓋已無所不具苟能深玩而力行之則又安有 此弊今蒙來骱始悟前說之非敢不承命然猶恐不能 擾而反陷於不仁耳然却不思所類諸說其中下學上 或只盡載此諸往返議論以附其後亦庶乎其有盆耳 知可以更作一後序略采此意以警後之學者否不然 此以導之恐盆長其計獲欲速之心方寸愈見促迫紛 人人皆肯如此態實用功則亦未免尚有過計之憂不 請朱随筆

答張敬夫云程子所云只 意自有動靜其於道理極是分明蓋此四字便是元亨 答張敬夫云太極中正仁義之說若謂四者皆有動靜 利貞四字愚按謂四者皆有動靜亦可但非周子此處 正意耳 則周子於此更列四者之目為剰語矣但熟玩四字指 類書作本領何哉 金にていたとうで 玩味夫所謂只一箇中字者中字之義未嘗不同亦 箇中字但用不同此語更

者言喜怒哀樂之未發渾然在中亭亭當當未有箇偏 於定四重全書 未發之中字也愚按此一段以不偏不倚無過不及總 謂中之道者乃即事即物自有箇恰好底道理不偏不 倚過不及處其謂之中者蓋所以狀性之體段也有所 在中之義者有所謂中之道者是也蓋所謂在中之義 中之義猶曰在裏面底道理云爾非以在中之中字解 倚無過不及其謂之中者則所以形道之實也所謂在 曰不偏不倚無過不及而已矣然用不同者則有所謂 讀朱随筆

答張敬夫云謂已發之後中何當不在裏面此恐亦 道言之則無時而不中以事言之則有時而中也所 解已發未發之中與時解稍異存以俟考 存矣但能反之則又未嘗不在於此此程子所以謂以 天命之秉桑而當此之時亦且漂蕩淪胥而不知其所 而中節即此在中之理發形於外如所謂即事即物 文意蓋既言未發時在中則是對已發時在外矣但發 分りをあんごう 不有箇恰好底道理是也一不中節則在中之理雖 非

答張敬夫云以敬爲主則内外肅然不忘不助而心自 箇心外面未有一事時裏面已是三頭兩緒不勝其擾 存不知以敬爲主而欲存心則不免將一箇心把捉 此書固朱子定論也 愚按此書註云壬辰冬而中和舊說序在壬辰八月則 又只在裏面則又似向來所說以未發之中自為一 又謂善觀者却於已發之際觀之也若謂已發之後中)發者不相涉入而已發之際常挾此物以自隨也

飲定四車全書

讀朱隨筆

之意語雖若少楊而意實已深自抑矣愚按如此說甚 是如此說云勉人學當如是也盖如云不如丘之好學 妥不知集注何以不從乃主謙而又謙之說似與若聖 答張敬夫云何有於我哉古注云獨我有之伊川似亦 見者是真心乎愚按此段與觀心說相發明 心光爍爍地便是有兩箇主军了不知光者是真心乎 擾矣就使實能把捉得住只此已是大病況未必真能 把捉得住乎儒釋之異亦只於此便分了如云常見此

於定四車全書 答張敬夫云近日 答張敬夫論牛李維州之事云還其地可也縛送悉怛 晚聞道聊以拙自脩者愚按處浮華之時不可不謹持此 者皆準止酒例戒而絕之似覺省事此前輩所謂下 謀使肆其殘酷則亦過矣愚按如此處分方是恰好 章矛盾者注中又並不將兩章合說明白直待雙拳饒 氏委曲說得明然畢竟可疑 種向外走作心悅之而不能自己 請朱隨筆

答敬夫集大成說按敬夫所解孔子之謂集大成句原 病 自りセスノニ 者惜乎其自信太過規模窄狹不復取人之善將流於 答張敬夫云子壽兄弟氣象甚好其病却是盡廢講學 **異學而不自知耳愚按以悟本心為踐履切中象山シ** 此為病之大者要其操持謹質表裏不二實有以過 而專務踐履却於踐履之中要人提撕省察悟得本心 說集合也言合衆理而大備於身也一 一說或

人にりまれたはの 答欽夫孟子說疑義云按此解之體不為章解句釋氣 象高速然全不略說文義便以已意立論又或別用 此並未嘗斷從某說 所解者文過數倍本文只謂之性而解中謂之太極凡 字體貼而無脈絡連綴使不曉者展轉迷惑粗曉者 向支離如此數章論性其病尤甚蓋本文不過數語而 巨集謂合樂成謂樂之 /類將使學者不暇求經而先坐困於吾說非先賢 請朱隨筆 變此即以樂譬之也朱子於

言存亡者皆指心而言耳蓋人皆有是良心而放之 是之勿遠而繁雜也思按此一 使人以此訓詁玩索經文可與此段參看 談經之體也且如易傳已為太詳然必先釋字義次 至於日夜之所息而平旦之好惡與人相近者則其夜 子於前一書又云漢儒可謂善說經者不過只說訓詁 文義然後推本而索言之其淺深近遠詳密有序不如 又云夜氣不足以存此句之義非謂夜氣之不存也凡 段說解經之法最詳朱

金りせたろうで

次足四年公与 此四字最妙 味矣愚按今人只管自立意見不管首尾衡決朱子用 不立而徒思吾未見其可也愚按此條朱子尚未 說得 又云大體小體章不曾提掇著立字而以以思為主心 亦至微簿而不足以存其仁義之良心矣非謂夜氣有 氣所存之良心也及其旦畫之所為有牿亡之則此心 存亡也若以氣言則此章文意首尾衡決殊無血脈意 又不可見若梏亡反覆而不已則雖有日夜之所息者 請朱隨筆

譏其無適無莫而不知義亦謝氏之說言雖不同而各 解之所以不同於諸家 與張敬夫論及已論語說曰就有道而正馬謂異世而 如何樣立 金りてんとう 又論無適無莫曰異端有適有莫盖出於程子之言然 之書本文未有此意恐不須過說或必欲言之則別 所指未可遽以此而非彼也愚按朱子兼取程子 一節而設問以起之可也愚按朱子解經必就本義 謝

欽定四軍全書 ■ 有不保其往之意也蓋吾無隱乎爾乃為二三子以為 又論 有隱而發不保其往乃寫門人疑於互鄉童子而發皆 不保其往耳誨字之意恐未說到辭氣容色之間亦未 又論自行束脩以上曰辭氣容色之間何莫非誨也固 該雖有内外本末隱顯之殊而未嘗不一以貫之也此 氏之說而後無適莫之意始備 段可悟一貫之說 以貫之曰聖人之心於天下事物之理無所不 請朱随筆

意於臟之朱子答曰聖人固無意必然亦謂無私意期 南軒解行藏章曰其用也豈有意於行之其舍也豈有 外是而他得哉固是如此然未須說亦同此 與就有道而正條同大抵南軒多發明言外之意而朱 萌不保其往之意則非聖人物來順應之心矣愚按此 子則務求本文之旨 非平日之常言不應於此無故而及之也若以禮來者 不以一言告之而必俟其自得於辭氣容色之間又先 論子所雅言曰性與天道亦豈

沙定四軍全書 一 前論無適莫一條及中庸或問駁龜山喜怒哀樂之 意於應物推而後行曳而後往如佛老之為也聖人與 於行之哉至於舍之而藏則雖非其所欲謂舍之而猶 矯激過高之說而語意卓然自不可及按朱子此條與 異端不同處正在於此不可不察也程子於此但言用 無意於藏則亦過矣若果如此則是孔顏之心漠然無 必之心耳若其救時及物之意皇皇不舍豈可謂無意 舍無與於已行藏安於所遇詳味其言中正微密不為 讀朱隨筆

見知而在己者未當不行夫子之言言其常理耳人 是則曾子所為丁寧之意也又論子張問行曰人雖 旨相發明 多り セグノニ 不知别是一 明本文之意使學者深思保其形體之不易而盡心焉 可得而傷乎此亦過髙之說非曾子之本指也且當發 又論曾子有疾名門弟子曰形體且不可傷則其天性]意推言則可耳愚按朱子與敬夫論癸巳 | 段事未應還說以亂夫子之意向後別以 雖

是要就本意說不要將言外之意來亂本文之意故又 20.10 in 2.11-競今讀此書雖名為說論語者然考其實則幾欲與論 子謂伯魚曰為者躬行其實也朱子曰如此說意極親 語競矣此最可為看書者之戒也又如散夫解三愆章 切但尋文義恐不然耳為只是誦讀講貫 只是戒人言語以時不可妄發未說到此地位也又解 曰言而當其可非養之有素不能也朱子曰聖人此言 云温公謂楊子作玄本以明易非敢别爲一書以與易 請朱随筆

多好 四月全書 ■ 能舍生取義亦出於計較之私而無感實自盡之意矣 所以生者則其生也亦何為哉朱子曰此解中常有 又散夫於志士仁人章云仁者人之所以生也苔虧其 外别有一念計及此等利害重輕而後為之也誠使真 天命謹天職欲全其所以生者而後為之則是本心之 種意思不以仁義忠孝爲吾心之不能已者而以爲 畏 此則可若挾是心以為善則已不妥帖況自言之豈不 大率全所以生等說自他人旁觀者言之以為我能如 巷

答張敬夫論中庸說云大率學者須更令廣讀經史乃 盆可笑乎按此等處朱子看得真是十分細密 朱子大全集卷三十二

答敬夫云日前所見累書所陳者只是儱侗地見得箇 讀正唯此處為難耳玩此段則知博約先後正難執 有可據之地然又非先識得 大本達道底影象便執認以為是了蓋只見得箇直截 :源傾湫倒海底氣象日間但覺為大化所驅如在洪 箇義理蹊徑則亦不能

火足四草人

清朱随筆

體用一源顯微無間者乃在於此愚按此條所謂主宰 應事接物處但覺粗厲勇果增倍於前而寬裕確容之 金グセルノニ 為指天命之性則失之矣後一書又云天理人欲之 氣略無毫髮雖竊病之而不知其所自來也而今而後 濤巨浪之中不容少頃停泊蓋其所見一向如是以故 身立命主宰知覺處所以立大本行達道之樞要所謂 乃知浩浩大化之中一家自有一箇安宅正是自家安 未當明指想必是指心念臺取此以為中和說二而 以

答張敬夫云既察本原則自此可加精一之功愚按玩 **飲定四車全書** 中節不中節之分特在乎心之军與不军可見其指心 此則不但精一是功夫即人心道心二句亦自有功夫 指地說箇大化便是安宅安宅便是大化却恐颟顸儱 侗非聖門求仁之學也 須就此識得然後為飛魚躍觸處洞然若但泛然指天 固有病然當時之意却是要見自家主牢處所謂大化 又卷四十二答石子重云大化之中自有安宅此立語 請朱隨筆 十四

達性之所以為性天之所以為天蓋不離此而 答張敬夫問目内論盡心知性曰心體廓然初無限量 論存心養性曰心性皆天之所以與我者不能存養而 惟其梏於形器之私是以有所敬而不盡人能克已之 但此察字要看得與觀心之觀字有别方好 白りも 無次序之可言矣孔子謂天下歸仁者正此意也 以窮天理至於 毫之蔽而天下之理遠近精粗隨所擴充無不通 旦脫然私意剝落則廓然之體無 以貫

之為德無所不該而天之為天者不外是矣存者存此 之終始所謂徹上徹下之道但其意味淺深有不同耳 學者將以求盡其心亦未有不由此而入者故敬者學 能盡其心而終之之事顏冉所以請事斯語之意也然 枯亡之則非所以事天也夫心主乎性者也敬以存之 又論殀壽不貳曰盡心者私智不前萬理洞貫斂之而 無所不具擴之而無所不通之謂也學至於此則知性 則性得其養而無所害矣此君子之所以奉順乎天蓋

沙足四重全青!

请朱随筆

力五

考也 也按此看敬字與前所謂敬者學之終始又不同 散也立大本也感而遂通天下之故恕也義也行達道 脩身以俟其正則不拘乎氣稟之偏而天之正命自我 立矣愚按此朱子所解與集註大不同其爲未定之論 又答張敬夫問目曰易無思也無為也寂然不動忠也 無疑明季諸儒多主此為說自以為獨得其亦未當深 而已養者養此而已事者事此而已生死不異其心而 久足四車 全 愚竊以爲志於仁者方是初學有志於仁之人正當於 愚按此條猶是中和舊說 又答張敬夫問目曰有天地後此氣常運有此身後此 又答張敬夫論苟志於仁曰夫舉措自吾仁中出而俯 心常發要於常運中見太極常發中見本性離常運者 病諸今以志於仁者便能如此亦不察乎淺深之序矣 仰無所愧怍更無打不過處此惟仁者能之顏曾其猶 而求太極離常發者而求本性恐未免釋老之荒唐也 请朱随筆

庶乎 意味正如張子韶孝經首云直指其路急策而疾趨之 金グセルノニ 擔當了豈復更有進步處耶又且氣象不好亦無聖 巴而天理流行自無間斷爾今說才志於仁便自如 位方是入此氣象然亦豈敢自如此擔當只是誠心恭 無打不過處直是從此存養十分純熟到顏曾以上 改之又從而究夫所以打不過者何自而來用力之 日用之間念念精察有無打不過處若有即深懲而痛 旦廓然而有以知仁矣雖曰知之然亦豈能 賢 地 北

此何等氣象耶愚按朱子極力發揮言外之旨蓋即

與欽夫論仁往復諸說真西山讀書記彙而附於仁 各有當也

外註意與前論癸巳論語說專欲就本文說者不同固)後最妙但内有自注一段云若以公天下而無物我

之私便為仁體則恐所謂公者漠然無情但如虚空木 一雖其同體之物尚不能有以相愛況能無所不溥乎 一段發明公之一字不可直指為仁體最為深

沙足四軍全馬

請朱隨筆

ナセ

熙庚子先朱子之卒二十載 於其所當愛者反有所不愛惟公則視天地萬物皆為 又答張欽夫云發處固當察識但人自有未發時此處 必為天地萬物同體而後有也按此一段亦可見公之 分りをたんご 又論仁說云仁只是爱之理人皆有之然人或不公則 **小應刪却** 字不可直指為仁體 體而無所不愛矣若愛之理則是自然本有之理不 按學部通辯張散夫卒於淳

然可睹矣按此書即念臺所謂中和說三而此一 釐之差千里之謬將有不可勝言者此程子所以每言 曾存養便欲隨事察識竊恐浩浩茫茫無下手處而毫 欠己の長心野 抑將先察識而後存養也以此觀之則用力之先後判 進退此存養之事也不知學者將先於此而後察之 聖人為近有用力處其微意亦可見矣且如灑掃應對 孟子才高學之無可依據人須是學顏子之所學則入 便合存養豈可必待發而後察察而後存耶且從初不 請朱隨筆

舊說矣此與答湖南諸公一書意同其爲朱子定論無 答吕伯恭云謹嚴之誨散聞命矣但以是心至者無拒 疑而念臺謂此是朱子已見得後仍用鈍根工夫則是 金岁巴尼人言 箴警之庶幾不負友朋之責却聞門 而不受之理極知其間氣質不無偏駁然亦未當不痛 其所刪者也通一書大抵言心有動靜而非復如中和 欲伸已見而巧於抑朱子之說也 朱子大全集卷三十三 下多得文士之有

致學者而告語之是乃釋氏所謂先以欲勾牽後令入 時名者其議論乖解流聞四方大為學者心術之害使 大王日東人生 佛智者無乃枉尋直尺之甚尤非淺陋之所敢聞也按 此係當與舉業不患妨功但患奪志之說參看 又答吕伯恭云學校之政名存實亡徒以陷溺人心敗 又答吕伯恭云科舉之教無盆誠如所喻然謂欲以此 人者不可不慎 人憂歎不自已亦當摘其邪偽否按玩此條有志於誨 讀朱随筆

金グロルノア **片段也雖是學文亦當就全篇中考其節目關鍵愚按** 者之手不知是否此書流傳恐誤後生輩讀書愈不成 又答吕伯恭云近見建陽印一小冊名精騎云出於賢 者有心世道者可不留意哉 務惜然不有以釐正之則溺人心敗風俗有不可勝言 亦不足深較也愚按今之教官一途雖愛禮存羊者所 教属俗之本乃為有補若課試末流小小得失之間則 **埭風俗不若無之為愈聞當有所釐正然當留意於立**

學矣一章與子路何必讀書之云其弊皆至於廢學不 若行有餘力則以學文就有道而正馬可謂好學之類 人已四年人的 又答吕伯恭云近看吳才老論語說論子夏吾必謂之 此可為今日亂操選政者之戒 用草紙抄出逐段略注删去之意方見不草草處若只 論學主腦 乃為聖人之言也頗覺其言之有味按此等處是朱子 又答吕伯恭云遺書節本已寓出愚意所刪去者亦須 請朱隨筆

此法 金分口尼人言 暗地删去久遠却感人也記論語者只為不曾如此留 全少而講說又多強探必取尋流逐末之弊推類以求 又答吕伯恭云道問與季通講論因悟向來涵養功 -家語至今作病痛也愚按有刪定之志者不可不 /機也愚按此條似即中和舊說序內所指 此不解庶有望於将來然非如近日諸賢所謂頓悟 病非 而其源皆在此恍然自失似有頓進之功若 长 知

鄭 按今人有謂鄭聲與鄭風不同者不知朱子已經辨 時 又答吕伯恭云雅鄭二字雅恐便是大小雅鄭恐便是 又答吕伯恭云近年 居亂世事昏主不得已而然者愚按危言孫言固當因 回主意陰轉事機此在古人固有以此而濟事者然皆 風不應緊以風為雅又於鄭風之外別求鄭聲也愚 朱子大全集卷三十四 種議論專務宛轉回互欲以潛

次定四車全書 四

請朱隨筆

見人有小失每忍而不欲言至於不得已而有言則衝 說 不知 又答吕伯恭云子靜舊日規模終在其論寫學之病多 又答吕伯恭云平生性直不解微詞廣譬道人於善 喜因與說既是思索即不容無意見既是講學即 而出必至於傷事而後已愚按此非朱子之内自省 如此即只是意見如此即只是議論如此即只是定 議論統論為學規模亦豈容無定本但隨人材質

金グセグノニ

巷

意見間議論故為學者之病甚云如此即是自家呵叱 火三の見と言 時象山來會後議論故此書首皆言南康初歸時事而 雖唯唯然終亦未窮竟也又云渠合下有些禪底意思 本底道理今如此一點揮斥其不為禪學者幾希矣渠 又教人恐須先立定本却就上面整順方始說得無定 亦過分了須著邪字閖字方始分明不教人作禪會耳 病痛而救藥之即不可有定本耳渠却云正為多是邪 又自主張太過須說我不是禪愚按此是朱子在南康 請朱趙筆 辛二

金げてたとうで 而合言之也程子言性剖析疑似分體用而對言之也 按離合張弛四字最是看書要法 白都道得盡故中庸首章言中和之所以異 又答吕伯恭云聖賢之言離合張弛各有次序不容 又答吕伯恭曰仁字之義孟子言心該貫體用統性情 則為達道是雖有善辨者不能合之而為一矣愚 朱子大全集卷三十五 書則云子靜到此數日 則爲大

欠 足 四車全書 是之態實耶因此方知擺落傳註須是兩程先生方 開 閣也又云注仁者人也云人也讀如相人偶之人此句 得這口愚按朱子之不忽古注如此今人胡竟束之高 愚按仁字有此二樣 句便以五行五常言之後來雜佛老而言之者豈能 如 又答吕伯恭云近看中庸古注極有好處如說篇首 又答吕伯恭論誰毀誰譽章云斯民也是指當時之 不知出於何書又見朱子於字句之疑不憚遠問如此 請朱隨筆

博識而不理會道理之病渠得此語遂一向掃蕩直要 愚按此數語較集註更為明白 金グロカノニ 得胷中曠然無一 又答吕伯恭云明道玩物喪志之說蓋是微上祭記誦 直道而行者亦以是行之於此人耳不待易民而化也 而言今世雖是習俗不美直道難行然三代盛時所 又答吕伯恭云性與天道不可得而聞但是聞者未易 則知空疎者不得借上蔡以自護 毫所能則可謂矯枉過正矣愚按此 长

等之解不同义云明道有言學者須守下學上達之 語 此事乃是聖賢之用義理之正非始為權譎茍以濟事 縱有時言性天道亦斷不離下學而言之也 不可只考同異較詳略專為章句之學而已思按此則 解耳聖賢之言固無所不盡愚按此似與集註教不職 又答吕伯恭論淵源録云明道云當與元豐大臣共政 乃學之要似且如此用功基脚却稍牢固未敢便離却 下學之地別求上達處也但當更於存養踐履上著力

欽定四車全書

請朱隨筆

下四

所以不能無疑於明道之言也邻子文晚著此書於其 之心為之則其悖理而速禍也為尤甚矣此今之君子 此等力量自是信不及設有信者又不免以權譎利害 如此廣大規模和平氣象而其誠心昭著足以感人然 見比事自是正理當然非權譎之私也然亦須有明道 材亦有此意易傳於睽之初爻亦有不絕小人之說足 後有以盡其用耳常人之心既不足以窺測此理又無 ノモノノニ 時也蓋伊川氣象自與明道不同而其論變化

道之意 信也 渠合下不與漕司商量之過不可專罪他人也此即明 而春秋有傳疑之法不應遠削之也且伊川之諫其至 法利病甚悉竟以諸司議論不一 自謂濂洛閼閩之清議而非顧廚俊及之清議吾未敢 不應全誤愚按此則東林之激豈程朱所許哉顧涇陽 朱子答劉子澄書云趙子直在此講求臨汀鹽 又云折柳事有無不可知但劉公非妄語 而罷甚可惜然亦是

早歲之所逮聞者年月先後容或小差若語意本末則

飲定四車全書

清朱隨筆

テ五

答劉子澄云知言之書用意精切但其氣象急迫終少 某人云國朝講筵儀制甚肅恐無比事愚按朱子於淵 和平又數大節目亦皆差誤如性無善惡心為已發先 主尤所當知至其餘味之無窮則善學者雖以自養可 誠惻怛防微慮遠既發乎愛君之誠其涵養善端培植 源錄斟酌如此固學者所宜細玩也 也故區區鄙意深欲存之若必以為病則但注其下云 治本又合乎告君之道皆可以為後世法而於輔導少

此可謂不同矣然明道之放過乃孔子之獵較爲兆一 猶謂青苗可且放過而伊川乃於西監一 司官不以為党而伊川所作行狀乃獨不載其事明道 朱子未實指一二段言之此及下條自 知後敬之類皆失聖賢本旨愚按所謂氣象急迫者惜 方文理密察其道雖同而造德各異故明道嘗爲條例 又答劉子澄云明道德性寬大規模廣濶伊川氣質剛 理會乃孟子之不見諸侯也此亦何害其 一狀較計如

火足四年人后 ~

请朱随筆

為同耶但明道所處是大賢以上事學者未至而輕議 為中者不可一也故中之為道不但當隨事而異隨時 按其道同者中而已矣造德各異者氣質不同而所以 之大小裁酌其宜難執一意此君子所以贵窮理也愚 只當以此為法則庶乎寡過矣然又當觀用之淺深事 而異而又當隨人氣質而異然則善學明道者伊川也 之恐失所守伊川所處雖高然實中人皆可跂及學者 又答劉子澄云近看溫公論東漢名節處覺得有未盡

金に、ロだという

次足四年公司 淑正言於梁氏用事之日而其子爽已濡迹於董卓專 建安以後中州士大夫只知有曹氏不知有漢室却是 命之朝及其孫彧則遂為唐衛之壻曹操之臣而不知 黨鋼殺戮之禍有以歐之也且以荀氏一門論之則荀 父兄師友之間亦自有一 以全身就事之計故不覺其淪胥而至此耳想其當時 以為非矣蓋剛大直方之氣折於凶虐之餘而漸圖所 請朱随筆 一種議論文飾蓋覆使驟而聽 テセ

處但知黨錮諸賢趨死不避為光武明章之烈而不知

識令人 別說 行如此其末流之弊為賊佐命亦何足怪哉 又與劉子澄云婺州自伯恭死後百怪都出至如子約 者不覺其為非愚按黨錮之賢極似東林建安以後 /家祖父壁立干仞子孫猶自倒東來西況太丘 極似今日 八追恨也子靜 般差異底話全然不是孔孟規模却做管商見 · 駭歎然亦是伯恭自有些拖泥带水致得如 卷五十四答孫季和亦論及省或事 味是禪却無許多功利術數 制 E 北

金に、ロアとノコー

為後生輩糊塗說出一般惡口小家議論賤王尊霸謀 書戲之云這些子恐是蔥嶺帶來渠定不服然實是如 凝滞處亦是渠所得效驗但不免有些禪底意思昨答 猶未肯堅降幡也子靜寄得對語來語意圓轉渾浩無 利計功更不可聽于約立脚不住亦曰吾兄蓋當言之 亦未免害事也又一書云伯恭無恙時愛說史學身後 云爾中間不免極力排之今幸少定然其殭不可令者 下收斂得學者身心不為無力然其下梢無所據依恐

欠足り巨人的!

诗朱随筆

此諱 金グログイニ 愚按此段最可想見顏子仰對膽忽光景真如軍士有 疑難不能得相見相見後三五日說不透方是長進也 超距投石之勇自然戰無不勝也 又與劉子澄論學者當於別後惜取光陰須看教滿 又與劉子澄云居官無修業之盆若以俗學言之 此若論聖門所謂德業者却初不在日用之外只 个得也此二書皆在伯恭沒後而與象山相左 /誠是 如

却是根 答子靜云邇來日用功夫煩覺有力無復向來支離之 朱子答陸子壽論太極西銘云不言無極則太極同於 愚按此與程子作字甚敬之意同 文字便是進德脩業地頭不必編綴異聞乃爲脩業也 而不能為萬化之根此二語後來與子靜反覆辨論此 物而不足為萬化之根不言太極則無極淪於空寂 朱子大全集卷三十六

火足四事公告 图

清朱随筆

二十九

吉則知為虚字至為實字蓋曰有以知其所當至之 答子静書中如云老氏之言有無以有無爲二周子 通 首固云道理雖極精微然初不在耳目見聞之外學部 言有無以有無為一又如云知至二字雖同而在大學 耳此等語真個是擴撲不破 則知為實字至為虚字蓋曰心之所知無不到耳在文 病此朱子自言其日用得力非言其頓悟得力也其篇 金グセパノニ /辩於此書亦看得未透 卷

大三四年 1 答陳同甫云去年十論大意亦恐援溺之意太多無以 繩不敢走作之中而其自任以天下之重者雖賁育莫 朱子所以箴規同甫者大意不過欲其絀去義利雙行 能奪也此數語說盡養氣一章大旨 王霸並用之說而從事於懲忿室慾遷善改過之事 存不親授之防耳愚按此意講經濟者不可不知 又答同甫云大字甚荷不鄙但尋常不欲為寺觀寫文 又答同甫云孟子所謂浩然之氣者蓋斂然於規矩準 請朱随筆 Ī

盡與 朱子與陳同甫書惟攪金銀銅鐵為 見朱子之謹於言行如此 字不欲破例此亦拘儒常態想又發一笑也愚按此 金ピスセだと言 盡漢唐做得不盡者但論其盡與不盡而不論其所以 地本根者之無有是處也後篇云來喻所謂三代做得 一篇最詳前篇云指其須臾之間偶未泯滅底道理以 只此便可與堯舜三代比隆而不察其所以爲之 |却將聖人事業去就利欲場中比並較量見 器及點鐵成金 田

禮之恭又如此 |其歲遣介存問按同甫於朱子如冰炭不相入而其執 次足马車在馬 與籍溪胡原仲云官居廩食之況不敢問物情時變必 聞也按朱子於故舊不問其私而惟以道義相期如此 有仿佛相似便謂聖人樣子不過如此愚按此二段又)了然於胸中矣如有用我而將奚先此則區區所 (同甫所以義利雙行王霸並用之根又答陳同甫 辭 朱子大全集卷三十七 摘朱隨筆 丰二 欲

乃近日講義解一貫云璧之傷寒寒只是此寒但受寒 邊際則何往而非 然四通八達矣熹竊謂此語深行鄙意蓋既無有內外 云岩理會得向上一 與范直閣書云胡文書中復主前日一貫之說甚力但 稱朱子與范直閣書稱李延平亦只稱得李愿中文 朱子呼胡籍溪為丈丈不知當時是何等樣人方用 金ガルアルノニア '人有虛有實有陰有陽所以證候不同而方法亦 貫哉愚按此解一 著則無有內外上下遠近邊際原 一貫似與集註合 此

沙定四事全書 ! 意最了然推此并可知夫子言仁而各指一二事言之 各足無非全體也愚按此說得曾子借忠恕明一貫之 最切者以明道之無所不在所謂已矣者又以見隨寓 所契因門人之問故於所見道體之中指此二字日用 只是一忠是盡處一恕是推處一講義之說大背朱註 記得桴亭曾如此說愚不敢信 义與范直閣云所謂忠恕者乃曾子於一貫之語點有 又謂朱子云忠是一恕是貫此是分體用說其實恕也 讀朱隨筆 圭

與黃端明書自謂待人接物之際温厚和平之氣不能 與慶國卓夫人云州縣小吏等級相承職事相轄 之意 今人以入翰林為榮上無職事了辦之責下無吏民窺 白りせんノニ 此書觀之果足爲幸平 伺之憂而州縣守倅勢反出巳下柴則榮矣然以朱子 廢慢則罪戾及之故仕於州縣者常曉事而少過愚按 [粗厲猛起之心嗚呼朱子猶自責如此吾人當 E)

た己の時心時 「 意根株消磨不去隨事滋長為害不細亦不專為二先 與劉共父論校正二程集言其主張大過便說恐此私 聽可否之命則是將欲見之而先之以書也待達尊之 與龍雪之一書可為取人以言者戒 與王龜齡 禮當然 味否試並讀之何啻砥砆之與美玉 何耶又此書尾云敢以書先於將命者而立於廡下 書全從涵養來韓蘇上執政書有此等氣 請朱隨筆

答韓無咎云凡和靖所謂非先生語者恐特他人 留意人材故其所成就如此吁可戒也 鰥寫孤獨之情而未及乎本根長久之計恩威功譽雖 與劉共父論訪問人材 於答張敬夫書中亦曾舉之蓋即指共父也緣其不能 播於兒童走卒之口而未喻乎賢士大夫之心此二 生之文也朱子於朋友間防微杜漸如此 不知此與陳幾亭掌上錄同意内云勤勞惻怛雖盡於 一書自任以天下之重者不可 聞

金次四個石潭

執事者之所宜憂也愚按節取是學成後事若初學為 若方且懲之而又遽有取其所長之意竊恐學者未知 拔本塞源以一學者之聽庶乎其可以障狂瀾而東之 幻之習以故被其毒者淪肌決隨而不自知今日正當 與芮國器云蘇氏之學以雄深敏妙之文煽其傾危變 而和靖未聞耳愚按為信之人往往有此病和靖之只 信已所聞猶之恭父南軒只主張胡文定所改也 取一捨之間又將與之俱化而無以自還是則

欧定四軍全書

請朱隨筆

丰四

當與答陳同甫三代漢唐之辨相發明 答鄭景望云范忠宣救蔡新州及元祐流人熹竊論 與鄭景望論舜典用刑云輕重毫釐之問各有攸當者 矣以爲元祐諸賢憂確之不可制欲以口語擠之固爲 非天討有罪之意也邵子文以寫明道所見與忠宣合 未當而范公乃欲預為自全之計是亦未免於自私皆 自 正恐徒見所施之相似而未見所發之不同愚按此條 則不免為所化矣 it

答鄭景望云示諭明道程文不必見於正集者考求前 是聖人之心不忍於元惡大憝而反忍於街冤抱痛之 身數年不得休息則司獄者又當有以權衡乎其間矣 有欲伸一人之冤而拖累什百無辜之人使之破家喪 良民也愚按小民冤痛不可不伸然當上下掣肘之時 之世有宥而無刑則是殺人者不死而傷人者不刑也 聖人好生之本心矣夫豈一於輕而已哉今必曰堯舜 乃天討不易之定理而欽恤之意行乎其間則可以見 清朱随筆 **手五**

答程可久云史記索隱引風俗通南北曰阡東西曰 綑 筆削之嚴 斯為不負舉業矣 此固多如此然先生應舉時已自聞道今讀其文所論 叉日河南以東西爲阡南北爲陌今以遂人之法考之 無非正理非如今世舉子阿時狗俗之文乃有愧而不 金グセル 一傳也思按為應舉之文者能如明道之可傳而無愧 目揚雄荀或書法見於答尤延之二書考之可以見 1:1 陌

當以後說為正也遂人鄭注徑從畛橫涂從道橫今考 火足四年七十二 答程可久云謂四象為乾坤初二相錯而成則恐立言 有未瑩者蓋方其爲兩儀則未有四象也方其爲四象 謂通貫古今 以夫畝之數得之愚按講阡陌便合得徑涂畛道此之 千夫而畛道皆横即所謂東西之阡也其立名取義正 即所謂南北之陌一畛之内為田千畝一道之内為田 徑之内為田百畝一涂之内為田百夫而徑涂皆從 讀朱隨筆 主

為用然却云孔子編詩為燕享祀之時用以歌而非 此皆足破鄭夾漈之說夾漈雖云樂以詩爲本詩以樂 聖賢之言詩主於聲者少而發其義者多又云得其志 答陳體仁云樂乃爲詩而作非詩爲樂而作也又云凡 朱子解太極則云即在兩儀之內解兩儀則云在四象 之先此當深玩 則未有八卦也安得先有乾坤之名初二之辨哉愚按 不得其聲者有矣未有不得其志而能通其聲者也

金グセルノニ

答袁機仲云兩儀如今俗語所謂一雙一 序訓而以說相高義理之說既勝則聲歌之學日微如 知逸詩之中亦必有得其聲而不得其義者 詩而得聲者三百篇則繁於風雅頌得詩而不得聲者 則置之謂之逸詩如河水祈招之類此却近之然又須 ,則却似詩乃爲樂而作安在其爲本乎若其所謂得 說義也又云不幸腐儒之說起齊魯韓毛四家各為 朱子大全集卷三十、 對云爾自此

欠足四年八号 图

請朱随筆

干七

當意會蓋就陰陽內推一 則 時節此書末又云大抵曰儀曰象曰卦皆是指畫而言 之時方有一奇 思按觀此則知兩儀八卦之次第然以誠通誠復論 再變至生第三畫八卦已成方有乾坤之名當為 言然亦必是天地間有是理而後畫以象之朱子 謂機仲直以天地為兩儀之非愚按儀象雖是指畫 元亨利貞已管盡終古不知何時是兩儀時節 ヒルノコ 偶只可謂之陰陽未得謂之乾坤也 個兩儀其實不是另有兩儀 畫

啓蒙一書乃易之綱領如法律之有名例 言亦當意會 又答袁機仲云自初未有畫時說到六畫滿處者部子

所謂先天之學也卦成之後各因一義推說邻子所謂 如官先天如魚鱗冊後天如黃冊 後天之學也愚按先天如律後天如例先天如爵後天

朱子又云啓蒙之書非熹之說乃康節之說非康節之

說乃希夷之說非希夷之說乃孔子之說但當日諸儒

尺巴马里公司

讀朱隨筆

希夷康節乃反之於易而後其說始得復明於世愚按 於西北者禮家之說也謂陽生於子於卦爲復陰生於 朱子取希夷之說謂其原出於孔子陽明之徒取佛氏 又答袁機仲書云謂溫厚之氣盛於東南嚴凝之氣盛 既失其傳而方外之流陰相付受以爲丹竈之術至於)說亦謂其出於孔子其言頗同而真偽相去遠矣 於卦為垢者歷家之說也謂異位東南乾位西北者 说也此三家者各為一 說而禮家歷家之言猶

金切口周月章

差而所爭不過二位蓋子位一陽雖生而未出乎地至 於寅而終於未陰始於申而終於丑此二說者雖若小 子而終於已陰始於午而終於亥論四時之氣則陽始 寅位泰卦則三陽之生方出地上而溫厚之氣從此始 在西北彼此位置迥然不同又云論十二卦則陽始於 相謀矣又云乾於文王八卦之位在西北於十二卦之 位在東南坤於文王八卦之位在西南於十二卦之位 可相通至於說卦則其卦位自為一說而於彼二者不

次足四車を青

請朱隨筆

テル

也又云坤之上六陽氣已生乾之上九陰氣已生但 而地上之氣易識故周人以建子為正雖得天統而 極而嚴凝之氣至丑方盡義亦放此蓋地中之氣難 也其午位陰已生而嚴凝之氣及申方始亥位六陰 雖生而未害於陽必至未位遯卦而後溫厚之氣始盡 馬巴位乾卦六陽雖極而温厚之氣未終故午位 日之内 /論為邦乃以夏時為正蓋取其陰陽始終之著 畫之中方長得三十分之 必積之 月然 明 雖 陰

金グヒ人ノニ

後始滿一 冬而以斂藏為事作長為生斂藏為殺此剛柔之所以 消而退者其氣弱此陰陽之所以爲柔剛也陽剛温厚 陽主進而陰主退陽主息而陰主消進而息者其氣殭 義亦同此蓋論其始生之微固已可名為陰陽然便 居東南主春夏而以作長爲事陰柔嚴凝居西北主秋 此為陰陽之限則其方威者未替方生者甚微所以未 可截自此處而分陰陽也此乃十二卦中之一義又云 畫而為復方是一 陽之生耳央之一陰為乾

かんかり 一人

請朱随筆

四十

自寫一 為仁義也以此觀之則陰陽剛柔仁義之位豈不曉然 要攪動下層直待理會得上層都透徹了又却輕輕揭 牵僵合為一 義理層數甚多自有次第逐層各是一箇體面而不 處之末流言之蓋亦所謂陽中之陰陰中之陽固不妨 而彼揚子雲之所謂於仁也柔於義也剛者乃自其用 下層理會將去當時雖似遲鈍不快人意然積累之 一義但不可以雜乎此而論之爾又云易中卦 說學者須是旋次理會理會上層之時未 位

金分四屋人


卷

答周盆公論范歐第二書曲折詳盡可為讀書論世之 豈不快哉若不問淺深不分前後混成一塊合成 火にり車を替り 多只是要分別一箇層數 朱子與袁機仲論易謂其有記記之聲音顏色則其堅 則彼此相妨令人分疏不下徒自紛紛成鹵莽矣此是 久層層都了却自見得許多條理千差萬別各有歸著 可知 生讀書已試之效不但讀易為然也愚按讀易語雖 讀朱隨筆 說

答薛士龍云聞慶歷間取湖學規制行之太學不知當 等期之也觀此則歐公之入孔廟亦不為妄 學蓋得於古之所謂灑掃應對進退者尤為的當警發 錄以見賜幸甚朱子之留心前賢成憲如此 時所取果何事也求諸故府必尚有可考者得令書吏 法至論歐公極贊其本論唐六臣傳而云真韓公所 金ピアでたノニマ 又答薛書云垂論湖學本末不勝感嘆而所論胡公之 仁義之人者未可謂其全不學道而直以照許楊劉之 謂

飲定四車全書 答江元適云詩人之稱文王雖曰不識不知然必繼之 於上天之載而言則聲臭雖無而上天之載自顯愚按 所偏滞理固然也又云中庸之終所謂無聲無臭乃本 其傳者語之必曰絕四之外必有事馬蓋體用相循無 又答江元適云孟子曰物皆然心為甚此求仁之方也 無聲無臭等語須如此看然後異學不得而借 深矣此蓋薛既答前書而朱子又答之者也 曰順帝之則弟子之稱夫子雖曰無意無我然後之得 請朱随筆

答李季章云漢儒之學有補於世教者不小如國君承 晚年定論豈不誣哉程篁墩正孔廟祀典而并點康成 十則知朱子於晚歲乃惓惓於漢儒之學如此姚江之 愚按此因言儀禮經傳而及之其書末自言明歲已 及之具於實疏其義甚備若已預知後世當有此事者 祖父之重在經雖無明文而康成與其門人答問蓋已 而精義之本在馬愚按用精義二字於此最妙 亦惡於金谿一派而然耳



讀朱随筆卷				ヨラロルノニ
松 一				卷一

欽定四庫

請朱隨筆卷二

子部

詳校官中書臣関思教

編修臣倉聖脈覆勘 總校官進士臣終

校對官中書臣孫 於録監生 孫國鐵

溶

琪

大田田田 須自度果非道聽達說平 答林巒云足下之詞富矣其主意立說高矣然類多採 儒數家之說以就之耳足下之所以自得者何如 朱子大全集卷三十九 丁所謂德之棄者蓋傷此也愚按今之好著述者 讀朱隨筆 監察御史陸雕具撰 者愚按今人所謂詩之工拙非朱子所謂工拙矣 答楊宋卿論詩惟視志之所向高下至於用韻屬對比 金グロルノニ 論其所指不是即使所指不差亦如其相雜何 事遣詞之善否魏晉以前諸賢之作未有用意於其間 不相似且是亂了此中正意血脈也愚按此段與袁機 明趣味浹洽乃佳切不可妄引他處言語來相雜非唯 又答林巒云凡讀書且虚心看此一處文義令語意分 論易要分別層數一 例姚江之良知山陰之慎獨無

理而言 答許順之云所有發明條示數端得反覆馬亦勝空書 出耳愚按獨自之自以人對我而言自然之自以我對 答柯國材云謂之自得則是自然而得豈可殭求也哉 又答許順之云夫子二字古人用之本非尊稱如代嗣 今人多是認作獨自之自故不安於他人之說而必已 往來耳愚按吾人於同志之友書信往來不可不知此

次定四事全書 日

史之季氏毀仲尼之叔孫皆得以稱然以孔門弟子稱

讀朱随筆

佛學 答許順之書 議論而曰誇釋氏者不須寄來愚按觀此則順之全是 非天子則不敢稱也 終有桑門伊蒲塞氣味又寄書與此間親戚問相 孔子而後人皆不當稱猶之 加諸已亦不敢以是加諸人也愚按此則夫子二字 尼以此故後之 云幸秋來老人 八往往避其號蓋不惟不敢使 按卷四十二答石子重云 、粗健心間無事得 · 朕字是古人之通稱後 順

ヨグモル

人民马声公配司 字不有病痛夫人心是活物當動而動當靜而靜動靜 盲引衆盲耳其說在石丈書中更有一絕云年畝方塘 體驗比之舊日漸覺明快方有下工夫處日前直是 少大抵本領不是只管妄作自惧惧人深為可懼耳 活水來一云大學之說近日多所更定舊說極陋處不 云細讀二書如所謂棲心淡泊與世少求玩聖賢之言 鑑開天光雲影共裴回問渠那得清如許惟有源頭 以資吾神養吾真者一 請朱隨筆 勘過只此二十餘字無

豈獨為資吾神養吾真者而設哉若將聖賢之言作 棲也即聖賢之言無精粗巨細無非本心天理之妙若 源頭所謂本領非棲心澹泊之謂不然則本領源頭等 此看直是全無交涉愚按讀後 真看得破便成已 要棲之澹泊然後為得且此心是箇什麼又如何其可 金グロルノコー 與姚江金谿之學何 失其時則其道光明矣是乃本心全體大用如何 〕成物更無二致内外本末 書始知前二書所謂 以貫之

所值於外者而言如舜之於瞽瞍文王之於紂晏嬰之 是指心之為物與孟子指仁義之良者不同恐未是 所云仁義之良心而非空指知覺之心也說者謂孔子 舍而亡則物欲肆而謂之人心自人心而叔回便是道心 又答許順之云心一也操而存則義理明而謂之道心 又答許順之云舊說太高之弊如君子不謂命止是以 自道心而放出便是人心項刻之間恍惚萬狀所謂出 入無時莫知其鄉也愚按此則孔子所謂心亦即孟子

大巴马甲 上

請朱隨筆

於孔子孔子之不得時位之類不預說氣質不同愚按 金月口尼八章 此即魯齊所云學者以治生為急也但急字要看得好 得不爾也粗有衣食之資便免俯仰於人敗人意思此 是兼所稟所值言 集註既引程子所稟之說又引張子晏嬰智矣之說乃 亦養氣之一 又答許順之云順之既有室家不免略營生理此固不 不要認做汲汲皇皇之意 助也但不可急急皇皇役心規利耳愚按

次定四車全 其格之也亦須有緩急先後之序豈遽以爲存心於 答陳齊仲云格物之論伊川意雖謂眼前無非是物然 窮天理明人倫講聖言通世故乃兀然存心於一草木 草木器用之間而忽然懸悟也哉且如今為此學而不 欲其成飯也愚按明季講學之儒亦多以知本講格 話合商量愚按此二語曲盡朋友間光景 又答許順之云相見似無可說別後又覺得有無限說 器用之間此是何學問如此而望有所得是炊沙而 請朱隨筆

答徐元聘云周公東征不必言用權自是王室至親與 然與朱子所謂緩急先後之序則又不同不可不辨 按朱子於此說得斬截如此乃蔡氏書傳則不從朱子 行避誇乃鄙生腐儒不達時務之說可不辨而自明愚 之乃是正義不待可與權者而後能也若馬鄭以為東 諸侯連衡背叛當國大臣豈有坐視不救之理的師征 王近思問霍光小心謹厚而許后之事不可以為不知 而從馬鄭未知何故

金ラセルノニュ

最後 次序 答魏元履云欲爲春秋學甚善但前輩以爲此乃學者 體取人之善為已師法正不當如此論也愚按知此則 次 定 写 車 全 与 緒轉雜與讀史傳摭故實無以異愚按比可見讀書之 随所見聞皆可取盆矣 馬援戒諸子以口過而裹屍之禍乃口過之所致こ 《編在小學無亦取其一 段事盖非理明義精則止是較得失考同異心 清朱随筆 一節耶答云采葑采菲無以下

道信不過處 所言也有身心信不過處也有身心信得過而救時行 白りせんノニ 又答魏元履云先主見幾不明經權俱失當劉琮迎 話愚初看此却與吾斯之未能信相似細看知漆雕 又云自家身心尚且奈何不下如何說得行道救時 除不能取荆州烏在其知權耶至於狼狽失據乃 以義取之乃是用權之善權不離正正自有權)而出於盗竊之計善言權者正不如此若聲罪 開 底 致

人已日日人三丁 看 與魏應仲 足之類其大則挾漢以為韓而終身不以語人 却未論及 此論先主孔明最明但不知當日孔明何以不諫先主 Ð 侯即名義俱正無所隱匿其為漢復仇之志如青天白 初非二物也子房用智之過有微近譎處其小者如躡 八得而知之有補於天下後世非子房比也愚按 書切中小學工夫可與程氏讀書日程祭 請朱隨筆 人也若武

當如何看 答吳耕老云忠恕便已在一 穩當愚按性是人人所同若乾與坤則便不同此不 知 范伯崇云乾元亨利貞猶言性仁義禮智答云此語甚 答范伯崇第三篇論蒯瞶父于事最詳明 金グロをろう 又答范伯崇論在喪廢祭斟酌最精君見讀 朱子大全集卷四十 精粗合為 貫之中岩耕老之說則是 貫矣而 貫之外零却

大足り年とき 處辜負教育之意每一念此未當不愧汗沾衣也愚按 答何叔京云李先生教人大抵令於靜中體認大本未 其實則一是為一貫而朱子以為非則知近來講義之 訓詁之習不得盡心於此至今若存若亡無一 發時氣象分明即處事應物自然中節此乃龜山門下 恕二字恐非聖賢之意也愚按耕老之意謂飛躍不同 相傳指訣然當時親炙之時貪聽講論又方竊好章句 貫未可據矣 請朱随筆 的實見

於句章訓詁之間也向雖聞此而莫測其所謂由今觀 金发口屋人 按年譜朱子四十歲丁母祝夫人憂 域也此正與前一書意相同而後書之首有杜門奉親 文義事理觸類可通莫非此理之所出不待區區求之 此書恐尚未是朱子定論其後又答何叔京一書云昔 聞之師以爲當於未發已發之幾點識而心契焉然後 /始知其為切要至當之說而竟亦未能一蹴而至其 '語則知其為朱子親在時語而非其晚年之論也

敬爲集義之本也夫必有事馬者散之謂也若曰其心 皆明道語餘則雜有至水嘉諸人及楊遵道唐彦思張 人見り長という 繼之曰必有事馬而勿正心勿忘勿助長也蓋又以居 有原不可分别者 思叔所記則又皆伊川語也愚按觀此則二程語亦必 嚴然常若有所事云爾愚按令集註解必有事焉似不 又答何叔京云益子論養浩然之氣以為集義所生而 又與何叔京論 一程語錄云大抵劉質夫李端伯所記 讀朱隨筆

金万里尼月雪 也其中段又云所阶多識前言往行固君子之所急某 亦有奉親遣日之語則亦是中年以前之論尚未定論 心發見處即渺渺茫茫恐無下手處也愚按此書之首 專以敬為說 向來所見亦是如此近因反求未得箇安穩處却始知 夫底本領本領既立自然下學而上達矣若不察於 又答何叔京云向來妄論持敬之說亦不自記其云 .因其良心發見之微猛省提撕使心不昧則是做

是箴之觀此亦可見孟子之持志在知言之先矣 借 得失自不能逃吾之鑒耶此等語亦易為姚江之徒所 後心得其正今只持志便欲心正義明不亦太草草 此未免支離如所謂因諸公以求程氏因程氏以求聖 愚按此因叔京云持志則心自正心正則義自明故以 又答何叔京云大學之序格物致知至於知至意誠然 、是隔幾重公案曷若嘿會諸心以立其本而其言之

人門り町公司

讀朱隨筆

察之知此則知仁矣思按此書陳清瀾以篇首賑耀 之意同者今乃晓然無疑日用之間觀此流行之體初 考之知亦是中年未定之論 無間斷處有下工夫處乃知日前自訴訴人之罪蓋不 又答何叔京云為雅魚躍明道以為與必有事馬勿正 謂全在致知格物之後但必物格知至然後能盡其道 又答何叔京云存心養性便是正心誠意之事然不 可勝贖也此與守書冊泥言語全無交涉幸於日用間 事

金少口尼人門

只是關中雅州之地耳恐不應分得如此不均周公在 又答何叔京云公羊分陝之說可疑蓋陝東地廣陝西 耳愚按大學八條目之次序皆當如此看 而其詩為王者之風名公在内而其詩為諸侯之

火足四年全号 一

清朱随筆

管到東海只主近畿而言公羊之說似不必疑

惟穿鑿無據而召公所分之地愈見促狹蓋僅得今隴

似皆有礙陳少南以其有礙遂物為分歧東西之說不

西天水數郡之地耳恐亦無此理愚按陕以東不必直

金グセガノニ 則是存則操止則含而非操則存舍則止之謂也愚按 又答何叔京云所喻先存其心然後能視聽言動以禮 則存養固不止於敬乎 又答何叔京云二先生拈出敬之 此則知所謂操存不專是內面工夫又答何叔京云 校業本是 /於外則無事於存也愚按此以敬爲存養之 /要法一 主乎此更無内外精粗之 一貫身心内外原無間隔今日專存諸 一字真聖學之綱領 間固非謂但 /要法

|飲定四車全書 | < 墨上守定便自内外帖然亦此意 卷四有與叔京書曰人心無形出入不定須就規矩繩 其年而失其年也曷若動靜語點由中及外無一事之 内而略夫外則是自為間隔而此心流行之全體當得 論主敬不曰虚靜淵黙而必謹之於衣冠容貌之間其 之不存哉觀二先生之論心術不曰存心而曰主敬其 亦可謂言近而指遠矣按此即前一書之意 不敬使心之全體流行周浹而無一物之不徧無 清朱随筆 又别集 息

静是迭為賓主的 發也必主於義而敬行馬 愚按觀此則知敬義之於動 又答何叔京云未發之前太極之靜而陰也已發之後 失其家學之傳已久愚按濂溪之子一 又答何叔京云能不改樂仁便在此亦未安唯仁故能 之子則不然者闢邪之功有嚴有不嚴哉 又答何叔京云濂溪之子元翁與蘇黃游學佛談禪蓋 太極之動而陽也其未發也敬為之主而義已具其已 一變至此而程朱

為顯理為微而象中有理是無間也既曰有理而後有 第三十卷答汪尚書之言尤明 實體用顯微之分則不能無也愚按此論顯微體用 又答何叔京云天命之謂性有是性便有許多道理總 **聚則理象便非** 用而理中有象是一源也顯微無間者自象而觀則象 又答何叔京云體用 不改樂耳愚按如此說則孔顏樂處方有把柄 物故伊川但言其、 源者自理而觀則理為體象為 源與無間耳

| 飲定四庫全書 | <

清朱隨筆

首章註講大本云天下之 中内别為 前書所引程日答問者似巴盡之思按前書云日與 云中者道之所由出程子以為若謂道出於中則道在 亦自可見矣又云天下之理皆宗本於此則是天下 理從性生出而在性之外矣其為兩物不亦大乎記得 心而待其來會於此也但以伊川性即理也一句觀之 在裏許故曰性便是理之所會之地非謂先有無理之 物此段發明性即理也之意最明然中 巷二)理旨從此出者蓋此是以理

飲定四車全書一 答為作肅論吾亦欲無加諸人云博施濟衆之問與此 欲無加人 欲無加人之說也某當謂欲立人欲達人即子貢所謂 個先後來非精義如朱子便易入於鑿 勿施於人恕之事也愚按此於先後無考之中推出 語先後不可考疑却因能近取譬之言用力有功而有 體對理之用言而非以理與性對言也 朱子大全集卷四十 仁之事也能近取譬求仁之方即孔子所謂 讀朱隨筆 十四

私意之尤者尚何足語死生之 答連當卿云所謂天地之性即我之性豈有死而遽亡 個公共道理更無人物彼此之間死生古今之別雖 以我為主耶若以天地為主則此性即自是天地間 已身上認得一 已性把持作弄到死不肯放舍謂之死而不亡是 而不已然非有我之得私矣若以我為主則只是於 理此說亦未為非但不知為此說者以天地為主耶 一個精神魂魄有知有覺之物即便 地 說性命之 理哉釋氏之 乃 目 日

沙定四車全書 ~ 所施其造化矣是豈有此理乎愚按此段發明生死之 却去上頭別說一 其歸宿實不外此若果如此則是一箇天地性中别有 學本是如此今其徒之點者往往自知其他而稍諱之 **詰之與論語何哉爾所謂達者同一法** 若干人物之性每性各有界限不相交雜改名换姓 理十分透徹尤妙在起手將天地為主我為主兩意反 生自死更不由天地陰陽造化而爲天地陰陽者亦無 般玄妙道理雖若混漾不可致詰然 讀朱隨筆 五 自

糟粕思按此雖指子由言其實子瞻亦是如此又云古 史中論黃帝堯舜禹益子路管仲曾子子思孟子老朋 治者總而言之則曰實心實政分而言之則曰清慎勤 禮旨是此禮之目約而言之則視聽言動四言猶之 |愚按觀此可想顏子問目之意大抵一部儀禮一部 又分言之則曰抑强扶弱與利除弊 自りをないこ 又答程允夫洵云蘇公早拾蘇張之緒餘晚醉佛老之 又答連當卵論克已復禮云仁其統體而禮其節文耳 論

學諸書當與第三十卷答汪帥書同看 蘇氏之辨雖朱子早歲亦不能無惑甚矣其誤人也 SCAL DISTANTON 如蘇氏之學則方其年少氣豪固當安紙禪學如大悲 之屬皆不中理僕數年前亦當感馬近歲始覺其緣盖 閣中和院等記可見矣及其中歲流落不偶鬱鬱失志 佛老及其反求而得諸六經也則豈固以佛老為是哉 正楊子先病後瘳先瘳後病之說愚按答程允夫論蘇 又答程允夫云二程之學始馬未得其要是以出入於 請朱隨筆

節謂之和相表裏中庸言理易言學朱子答云此說是 毫私念可以言直矣由此心而發所施各得其當是之 程允夫問易曰敬以直内義以方外敬以養其心無 程允夫問克已之道篤敬致知而已非禮勿視聽言動 按此可見譬喻之法 也愚按言理言學即工夫本體之謂 謂義此與中庸言喜怒哀樂之未發謂之中發而皆中 又答程允夫言竿頭進步狂妄之言非長於譬喻者愚

金グレアルノニ

嘗動此所以以冰喻人以水性喻天性也然極其說 篇行之事固資知識之功然以此言之却似不切只合 篇敬也所以知其為非禮者致知也朱子答云克已乃 久足四事人的· 其為物一也觀張子之意似謂水凝而為冰一凝 且就操存持養處說方見用力切要處愚按觀此則註 程允夫問張子曰天性在人猶水性之在冰凝釋雖 雖明健並言而就此章言則自重在健 而水之性未嘗動氣聚而為人一 讀朱隨筆 一聚一散而人之性未

教不躐等之意 未易窺測亦非學者所當輕議也愚按觀此可知朱子 程允夫問濂溪横渠之學不知所造孰深朱子答云此 理之性言不指氣言然朱子亦謂其過不知何故 者正謂此等發耳觀孔子子思孟子論性似皆不如此 金グログノニュ 區宇也物者身之舟車也愚按張子冰水之骱似指義 康節云性者道之形體也心者性之郛郭也身者心之 **未免流於釋氏朱子答云程子以為橫渠之言誠有過**

曹月川夜行燭一書其精神力量豈是尋常 答胡廣仲云來諭謂動靜之外別有不與動對之靜不 答黃子厚云忠信只是一事但自我而觀謂之忠自彼 又答程允夫云魏公好佛敬夫無如之何愚按觀此則 與靜對之動此則尤所未喻動靜二字相為對待不能 也愚按以子以四教觀之恐此說尚未妥 而觀謂之信此先生所以有盡已為忠盡物為信之論 朱子大全集卷四十二

STATE TO STATE OF THE STATE OF

請朱随筆

斬盡葛藤 矣二先生亦言根本須先培擁然後可立趨向又言莊 從敬入然其記二先生語却謂未有致知而不在敬者 則 又答胡廣仲云上祭雖說明道先使學者有所知識 相無乃天理之自然非人力之所能為也若不與動對 又自云諸君不須別求見處但敬與窮理則可以入 不名為靜不與靜對則亦不名為動矣愚按此等說 /則自然天理明五峯雖言知不先至則敬 却

多分四月分言

卷二

然後可以用力於敬也此說之行於學者日用工夫大 趨向耳未便遽及知至之事也上蔡五拳既推之太過 語意却是近世禪家說話多如此若必如此則是未知 何謂耶熹竊謂明道所謂先有知識者只為知邪正識 不得施然又云格物之道必先主敬以持其志此言皆 以前可以怠慢放肆無所不爲而必若曾子一唯之後 公之過而又過之試以聖賢之言考之似皆未有此等 而來諭又謂知之一字便是聖門授受之機則是因二

大ピリ事を与

清朱随筆

者非但言語之小疵也上蔡又論横渠以禮教人之 病如云正容謹節外面威儀非禮之本尤未穩當愚按 以禮教學者最善使人先有所據守但幾其說清虛 故其學至於無傳據二先生所論却不如此蓋曰子厚 不但認知字差從知字做起便先差 朱子置敬字於八條目之先最是學問本領姚江之 大使人向別處走不如且道敬耳此等處上蔡說皆有 有所害恐將有談玄說妙以終其身而不及用力於敬

金なでたんご

という見いいす 善不足以言性則不知善之所自來矣知言中此等議 為主而熟察其事理之實於日用之間則其得失從違 如此若非朱子則混儒釋而一之豈待金谿姚江也哉 蘇氏之言幾無以異愚按五峯之學亦本程子而其蔽 論與其他好處自相矛盾者極多却與告子楊子釋氏 則不知天之所以為天矣謂惡不可以言性可也以爲 又答胡廣仲云願虛心平氣勿以好髙寫意母以先 不難見矣蓋謂天命爲不囿於物可也以爲不囿於善 請朱隨筆

前私欲未崩渾是天理耳不必以靜字為性之妙也伊 静字所以形容天性之妙故答之如此即前不與動對 本體而言靜則但言其初未感物耳愚按此因胡氏謂 形容則反偏却性字矣記以靜為天性只謂未感物之 又答胡廣仲云性無不該動靜之理具馬若專以靜字 又答胡廣仲云程子所謂無截然為陰為陽之 不名為靜之說也 所謂其本真而靜者真靜兩字亦自不同蓋真則指 /理即周

多好四周全書

人已日年 上台 謂知也姚江之致良知是上祭所謂知也 盡也上蔡之言知覺謂識痛痒能酬酢者乃心之用而 盖孟子之言知覺謂知此事覺此理乃學之至而知之 子所謂互為其根也程子所謂升降生殺之大分不可 知之端也二者亦不同矣愚按大學之致知是孟子所 按宇内事莫不皆然 又答胡廣仲云孟子知覺二字却恐與上蔡意旨不同 無者即周子所謂分陰分陽也兩句相須其義始備愚 讀朱隨筆 千二

前後而對者則截去其 **雾或以類而對或以反而對反復推之天地之間真無** 也蓋所爲對者或以左右或以上下或以前後或以多 者惟道為無對然以形而上下論之則亦未嘗不有對 手舞而足蹈也究觀來教係目固多而其意常主於別 又答胡廣仲云大抵天下事物之理亭當均平無無對 物兀然無對而孤立者此程子所以中夜以思不覺 物之無對故凡以左右而對者則扶起其一邊 段既殭加其所主者以無對

重次巴尼白電

火ビの事と言 答吳晦叔云春秋書正據伊川說則只是周正建子之 立義耳文定引商書十有二月漢史冬十月為證以 月但非春而書春則夫子有行夏時之意而假天時以 中脫出也愚按明季講學之弊往往多此類 正之處凡此所論陰陽動靜善惡仁義等說皆此 以配之於是左右偏枯首尾斷絶位置重疊條理交併 凡天下之理勢一 一貴名而於其所賤而列於有對者又不免別立 切畸零養剩側收尖斜更無齊整平 請朱隨筆 Ŧ 位 模

時二者並行惟人所用但春秋既是國史則必用時 月者則制度之闊略耳愚按二者並行之說最確後 有答吳晦叔一書云天時則不可改故書云秋大熟未 建未之月暑雨苗長之時而十一十二月乃建戌建亥 周不改月此固然矣然以孟子考之則七八月乃建午 /正其比商書不同者蓋後世之彌文而泰漢直稱 月將寒成深之候又似并改月號此又何耶或是當 此即止是今時之 /秋蓋非酉戌之月則未有以見夫

金プロアノニー

大足四年公司 舊文而四時之序則孔子之微意伊川所謂假天時以 立義者正謂此也若謂周人初不改月則未有明據故 歲之大熟而未發也以此考之今春秋月數乃魯史之 又答吳晦叔云大學之 改時二者亦應並行 則無他可考必矣愚按此一 文定只以商泰為證以彼之博治精勤所取猶止於此 改時之意思意改月不改月二者既並行則改時! /書雖以格物致知爲用力之 請朱隨筆 一段亦發明程子周人 辛三 改

金グロルノニ 知未至而暫輟以俟其至而後行哉愚按陽明之徒 格知未至則意可以不誠心可以不正身可以不修家 然非謂初不涵養踐履而直從事於此也又非謂物未 始有以盡其道耳若曰必俟知至而後可行則夫事 又答吳晦叔云仁者性之德而愛之理也爱者情之發 以議朱子者朱子酉已自辨之矣彼自將章句泥看 可以不齊也但以爲必知之至然後所以治巳治人者 兄承上接下乃人生之所不能一日廢者豈可謂吾

故兼義禮智信此仁者所以必有知覺而不可便以知 之所兼也元者四德之長故兼亨利貞仁者五常之長 是元而後有以成夫仁也若夫知覺則智之用而仁者 不先克已則公豈可得而徒存未至於仁則爱胡可以 以為仁之德也仁者人之所固有而私或蔽之以陷於 不仁故為仁者必先克已克已則公公則仁仁則愛矣 (體哉至於元則仁之在天者而已非一人之心既有 仁之用也公者人之所以爲仁之道也元者天之所

火足り事とい

請朱隨筆

而亡致得如此走作則是孔子所以言心體者乃只 歸者然後於中自然有貫通處思按此 金ガセスとこ 同 看 而言其周流變化神明不測之妙也若謂以其舍之 四句而以惟心之謂與 石子重云孔子言操則存舍則亡出入無時莫知其 "病矣聖人立言命物之意恐不如此兼出 也大凡理會義理須先剖析得名義界分各有 句結之正是直指心之 段當與仁 體 說

|為哉因此偶復記憶胡文定公所謂不起不滅心之體 滅者非是塊然不動無所知覺也又非百起百滅之中 滅而心固自若者方是好語但讀者當知所謂不起不 字有善有惡不可皆謂舍之而亡之所致也又如所謂 初非本體則不知所存者果為何物而又何必以其存 方起方滅心之用能常操而存則雖一日之間百起百 心之本體不可以存亡言此亦未安蓋若所操而存者 物不起不減也但此心瑩然全無私意是則寂

火足の軍を書

讀朱隨筆

羊五

答石子重云視聽與見聞不同聲色接於耳目見聞也 金グセルノニ 視聽則耳目從乎聲色矣不論心受與不受也愚按 然不動之本體其順理而起順理而滅斯乃所以感而 按此當與三十九卷答許順之論操存 遇 遂通天下之故者云爾向來於此未明反疑其言之太 此分别甚細 自今觀之却是自家看得有病非立言者之失也愚 重問我不欲人之加諸我也吾亦欲無加諸 段同看

大三日奉公告 ~ 與陳明仲云過割一 見官户富家吏人市户典買田業不肯受業操有餘之 其義理最長而亦先生晚年所自著尤可信也愚按今 **舛當以義理隱度而取捨之如此說則當以解爲正蓋** 川解以為仁語録以爲恕而未仁二義不同朱子答云! 一先生說經如此不同處亦多或是時有先後或是差 、觀朱子之 朱子大全集卷四十三 /書亦當如此分別 一條亦是民間休戚所係頃在同安 請朱随筆 十六

答陳明仲云茍欲聞過但當一一容受不當復計其虚 勢力以坐困破賣家計狼狽之人殊使人扼腕每縣 實則事無大小人皆樂告而無隱情矣若切切計較 金げせんとう 宿食廢業之患而市人富家得以持久困之使不敢 理此最弊之 有送來整理者必了於一日之中蓋不如此則村民有 不體此情 爭恐非告以有過則喜之意也愚按脩身者固當 /大者愚按市人以持久困村民爲吏者不 伸 必

答陳明仲云學固以至聖為極習固是作聖之方然恐 答李伯諫云詳觀所論大抵以釋氏為主而於吾儒之 遠之階也 字如此看即是循序漸進之意蓋惟切近乃所以爲廣 未須如此說且當理會聖賢之所學者何事其習之也 如此若言他人之過則豈可不辨虛實乎 何術乃見入德之門所謂切問而近思也愚按切近二

火足刀事人

說近於釋者取之異於釋者在孔孟則多方遷就以曲

請朱随筆

ニナモ

語真如繭絲牛毛使異端一毫不可假借 則無所處而不當者果如何耶愚按朱子辨別古人 骸以理自勝不為事物侵亂而已其與原道所稱以之 能真排佛也喜謂退之 指正與嘉隆以來儒者之弊同 求其合在伊洛則無所忌憚而直斥其非愚按此書所 金りせんとう 又答李伯諫云來書云韓退之排佛而敬大顛則亦未 已則順而祥以之為人則愛而公以之為天下國家 一稱大顛頗聰明識道理能外 卷二

株則生五穀之枝葉華實而可食稀稗之根株則生 然所謂有直内者亦謂其有心地一段工夫耳但其用 方外之一節也固是有根株則必有枝葉然五穀之 矣而其所以方外者果安在乎又豈數者之外別有所 力却有不同處故其發有差他却全不管著此所以無 謂義乎以此而觀伊川之語可謂失之恕矣然其意不 便須有父子有君臣三綱五常缺一不可今曰能直內 又答李伯諫云釋氏果能敬以直內則便能義以方外 根

次ピコ東全島

請朱隨筆

答林擇之云近世學者之病只是合下欠却持敬工夫 答李伯諫引上蔡云釋氏之論性猶儒者之論心釋氏 能直内猶之謂象山能尊德性耳皆是淺一層說明道 括盡儒釋之道 謂釋氏唯務上達而無下學亦然 金グセグノニ ·論心猶儒者之論意此語剖析極精愚按上茶二 以事事滅裂其言敬者又只說能存此心自然中 枝葉華實而不可食此則不同耳愚按謂釋 語

答林擇之云三代正朔以元祀十有二月考之則商人 敬必以整齊嚴肅正衣冠尊瞻視為先又言未有箕踞 與釋老何異又況心慮荒忽未必真能存得耶程子言 至於容貌辭氣往往全不加功設使真能如此存得亦 但以建丑之月爲歲首而不改月號以孟子七八月十 而心不慢者如此乃是至論愚當喜魏莊渠之言敬然 不若朱子此段之親切 月十二月之說考之則周人以建子之月爲正月而

人民日本 白雪

請朱隨筆

二十九

此而考之劉質夫說亦云先書春王正月而後書二 紛更煩擾其所制作亦不如是之錯亂無章也愚見如 胡傳之說則是周亦未當改月而孔子特以夏正建寅 之月為歲首月下所書之事却是周正建子月事自是 子作春秋時特加此四字以繁年見行夏時之意岩如 史例不書時以程子假天時以立義之云考之則是夫 金グログノニー 後月與事當相差兩月恐聖人制作之意不如是之 《改時以書一月戊午厥四月哉生明之類考之則古

欠足四重全 事亦未知是否此亦更煩子細詢考也愚按此條當與 年冬十月注家以為武帝改用夏時之後史官追正其 扣之或有此書借録一兩年示及幸甚幸甚又漢書元 首則又似胡氏之說可為據此問無竹書煩為見拙齊 會史本謂之春秋則又似元有此字而杜元凱左傳後 序載汲冢竹書乃晉國之史却以夏正建寅之月爲歲 四十二卷中答吳晦叔書参看 四十二年之事皆天理也似亦以春字為夫子所加但 讀朱随筆 又按卷五十八答胡

答林擇之云須把此事來做 金グロエノニ 切動形紙筆然後為講學耶如此非惟勞攘無益且是 小故也愚按嘉隆以後儒者講學多是大驚小怪所 氣象不好其流風之弊將有不可勝言者可試思之 朋友相聚逐日相見語語目擊為盆已多何必如此 久之自然見效不必如此大驚小怪起模畫樣也 論正朔大略與此相同 不可勝言 事看樸實頭做將 非 忉 E

近看南軒文字大抵都無前面一截功夫也大抵心體 所云李先生論此最詳者蓋指觀未發氣象之言也所 通有無該動靜故工夫亦通有無該動靜方無透漏岩 云後來所見不同者蓋指中和舊說也後又答擇之云 生論此最詳後來所見不同遂不復致思今乃知其為 又答林擇之云龜山所云未發之際能體所謂中已 《深切然恨已不能盡記其曲折矣孤負此翁耳愚按)際能得所謂和此語為近之然未免有病舊聞李先

次定四車全書 一

清朱隨筆

ヨラセノノニュ 答方伯謨云志於道志字如有向望求索之意大學格 後達者觀此可以知其誤矣 成章專為此地位也愚按令人以大而有本分貼成章 者是也伊川所引充實光輝特舉一事以明之非必以 答林擴之云不成章不達此通上下而言所謂有節次 必待其發而後察察而後存則工夫之所不至多矣又 云湖南諸友其病亦似此此皆翻中和舊說之論也 朱子大全集卷四十四

争 誤可歎也愚按令人欲求宋板書然在朱子所歎已 又答方伯謨云楚詞抄得數卷大抵世間文字無不錯 致知即其事也愚按格致不專是志而志則在格致

欽定四車全書

讀朱隨筆

Ī

飽者病也愚按此將致知格物竟看作一件

答江德功云格物可以致知猶食所以為飽也今不格

此如何如何

物而自謂有知則其知者妄也不食而自以為飽則其

處今人 矣且賦詩斷章此但取其咏歎不忘之意與衞武公初 又答江德功云聖賢之言意旨深遠子細反覆十年 又答江德功云盛德至善盛也至也皆無以復加之 又答江德功云絜矩者度物而得其方也以下文求之 見今日度物以矩則當為矩繁乃得其義矣愚按此 一下文規模氣象皆聖人事則此不得復爲賢人 人皆誤看 一思按此處令人亦多誤看 事 詢

言語反覆玩味直是有不通處方可權立疑義與朋友 商量庶幾稍存沈浸醲郁氣象所繁實不輕也思按此 氣象輕淺直與道理不相似願且放下此意思將聖賢 便敢遽然立論似此恐不但解釋文義有所差錯且是 又答江德功云絶學捐書是病倦後看文字不得正緣 年尚未見到一 **|論講學大騭小怪|** 二分豈可如此纔方撥冗看得 段俱切中今日學者

於定四車全書

請朱随筆

辛三

答曹子野云伐燕 靜無牽動之擾有省察之功非真若莊生所謂也愚按 觀此則凡朱子主静之語别學俱不得而借矣 史記却是考他源流來通鑑只是憑信孟子溫公平 前日費力過甚心力俱衰且爾休息耳然亦覺意思安 不喜孟子到此又却信之不知其意如何愚按朱子於 節蓋亦未敢斷也 一節史記以為湣王通鑑以爲宣王 胡三省通鑑註不辨及此

答李深卿云聖賢議論雖未當不推尊前輩而其是是 世則亦近正矣然觀正獻對神祖空寂之問則以堯舜 答吳伯起云一時意氣易得消歇正要朝夕講求義理 夷惠抑揚其辭不一而足亦可見矣若吕氏之學在近 非非之際亦未當有毫髮假借之私若孟子之論伊尹 中庸之曲是也 以培植之不可專恃此便為究竟也愚按一時意氣即 朱子大全集卷四十五

次足马车全售

請朱随筆

丰四

答吳德夫云去人欲存天理且據所見去之存之功夫 俗之蔽而以前輩之故 所學所言為二致諸若此類不可殫舉蓋猶未免於習 孔子不當論臧文仲之不仁不智且當直許子文文子 所知所急為兩途觀原明述正獻學佛之事則見正獻 既深則所謂似天理而實人 亦未考於朱子之言也 [然後爲可也思按今人有謂不應議姚江山陰者 例推尊禁不得復議其失是 人欲者次第可見今大 人體未

分りセカノニュ

人民四年 在 其用則謂之神正謂此也此體在人則心是已其理則 體生生元無間斷但其間一動一 所謂性其用則所謂情其動靜則所謂未發已發之 也愚按觀此則知八條目不是截然做完一件方做那 巨上天之 又答吳德夫云易之爲義乃指流行變易之體而言此 正而便欲察及細微恐有放飯流毀而問無齒決之 件者其間各自有淺深先後 人載無聲無臭其體則謂之易其理則謂之道 請朱隨筆 静相為始終、耳程子 **丰**五

答廖子晦云聖門之學下學而上達至於窮神知化亦 實行則其為易一也若其所具之理所行之用合而言 修之云則是上達而下學也其與聖學亦不同矣而近 安愚按此則易是氣太極是理可見 也此其為天人之分雖殊然靜而此理已具動而此用 不過德盛仁熟而自至耳若如釋氏理須頓悟不假漸 金グセルノニ)則是易之有太極者昨來南軒嘗謂太極所以明動 > 蘊蓋得之矣來諭以不易變易為未發已發恐未

者天下之大本和者天下之達道此皆日用分明底事 於此涵養栽培而情之所發自然無不中節耳故曰中 之時萬理畢具而天下萬物無不由是而出馬故學者 發而皆中節謂之和只是說情之未發無所偏倚當此 雖苦而卒不近也中庸所謂喜怒哀樂之未發謂之中 世學者每欲因其近似而說合之是以為說雖多用心 不必待極力尋究忽然有感如來喻之云然後為得也 必若此云則是溺於佛氏之學而已然為彼學者自謂

火足り事と

讀朱隨筆

幸六

條說中和界限最明與中和舊說不同此必是朱子四 徹上徹下 金グロガノニ 象山處尚屬中年未定之見蓋緣此時識象山未破也 之間瞥見心性之影象耳與聖門真實知見端的踐履 所不至則夫所謂見者殆亦用心太過意慮泯絕恍惚 有見而於四端五典良知良能天理人心之實然而 可易者皆未嘗略見仿佛甚者披根拔本顛倒錯謬無 以後之言大抵朱子與象山此時猶未甚冰炭其論 以貫之之學豈可同年而語哉愚按此

言也 渠先生所謂若謂萬象為大虚中所見則物與虚不 與余子積書所論朱子之學三變以朱子自家用功而 通 又答廖子晦云為雅魚躍道體無乎不在當勿忘勿助 而其自家用工則固已本末兼備確有定見矣故學部 影則性是一 間天理流行正如是耳若謂萬物在吾性分中如鑑 |辨所論朱子之學三變以朱陸異同而言也魏莊渠 朝書 庚申咸 物物是一 物以此照彼以彼入此也

飲定四車全書 [P

清朱晴筆

ŧ

者皆非美詩也愚按此說省了許多葛藤 者為正風雅其後以類附見者為變風雅耳固不謂變 答廖子晦論設主立尸將蕭灌鬯一書最可悟理氣之 資形自形性自性者正識此耳思按此等處最精微 象也愚謂有運用前之知覺有運用後之知覺如冬之 又答廖子晦云智主含藏分别有知覺而無運用冬之 又答廖子晦云所諭詩說先儒本謂周公制作時所定

答廖子晦引東坡湖州伊川涪陵及陳了翁被遠 約禮者中間用力之方也欲罷不能以後者後來得力 切於居官者 又答廖子晦云髙堅前後者顏子始時之所見也博文 秋後冬前也 效驗也愚按如此分析間架最明 以處排遣不去之事 ,晦論寬嚴言為政須有綱紀文章此一條最

對灾四月全書 是别有一 直截之說與陳齊記中 段根原工夫又在講學應事之 一書論功夫只擇善固執中正仁 異成於晚年則此為晚 和舊說皆迥然不同